

UNITED NATIONS



NATIONS UNIES

INTERNATIONAL CRIMINAL TRIBUNAL
FOR THE FORMER YUGOSLAVIA

CHURCHILLPLEIN 1, P.O. BOX 13888
2501 EW THE HAGUE, THE NETHERLANDS
TELEPHONE: +31 70 512-5000
FAX: +31 70 512-8637

TRIBUNAL PÉNAL INTERNATIONAL
POUR L'EX-YOUGOSLAVIE

CHURCHILLPLEIN 1, B.P. 13888
2501 EW LA HAYE, PAYS-BAS
TELEPHONE: +31 70 512-5000
FAX: +31 70 512-8637

Prijevod

Predmet br. IT-99-36/2-I
Tužilac protiv Stojana Župljanina

JAVNO

ODLUKA

ZAMJENIK SEKRETARA,

IMAJUĆI U VIDU Statut Međunarodnog suda, koji je Savjet bezbjednosti usvojio Rezolucijom 827 (1993.), a posebno član 21 Statuta;

IMAJUĆI U VIDU Pravilnik o postupku i dokazima, koji je Međunarodni sud usvojio 11. februara 1994., s naknadnim izmjenama i dopunama (dalje u tekstu: Pravilnik), a posebno pravila 44 i 45 Pravilnika;

IMAJUĆI U VIDU Uputstvo za dodjelu branioca po službenoj dužnosti, koje je Međunarodni sud usvojio 28. jula 1994., s naknadnim izmjenama i dopunama (dalje u tekstu: Uputstvo), a posebno članove 14(A) i 16(B) Uputstva;

IMAJUĆI U VIDU Profesionalni kodeks branilaca koji postupaju pred Međunarodnim sudom (IT/125 REV.2);

UZIMAJUĆI U OBZIR da je g. Stojan Župljanin (dalje u tekstu: optuženi) 21. juna 2008. doveden u sjedište Međunarodnog suda i da je njegovo prvo stupanje pred Sud održano 23. juna 2008.;

UZIMAJUĆI U OBZIR da je 23. juna 2008., kako bi zaštitio prava optuženog na osnovu Statuta, Pravilnika i Uputstva, zamjenik sekretara imenovao g. Tomislava Višnjica, advokata iz Srbije, za njegovog dežurnog branioca u skladu s pravilom 62(B) Pravilnika, za potrebe njegovog prvog stupanja pred Sud i u vezi sa svim drugim pitanjima koja bude potrebno riješiti do dodjele stalnog branioca,

UZIMAJUĆI U OBZIR da je dodatno prvo stupanje pred Sud zakazano za 21. juli 2008.;

UZIMAJUĆI U OBZIR da je optuženi naznačio da će podnijeti zahtjev za pravnu pomoć o trošku Međunarodnog suda u skladu sa članom 8 Uputstva, na osnovu toga što nema dovoljno sredstava da plati branioca, i zatražio od Sekretarijata da mu kao stalnog branioca dodijeli g. Višnjica;

Prijevod

UZIMAJUĆI U OBZIR da Sekretarijat još nije utvrdio da li je i u kojoj mjeri optuženi u mogućnosti da plati branioca;

UZIMAJUĆI U OBZIR da, u skladu sa članom 11(B) Uputstva, sekretar može dodijeliti branioca nekom optuženom na period od 120 dana kako bi se obezbijedilo da pravo tog optuženog na odbranu ne bude ugroženo dok Sekretarijat provjerava njegovu mogućnost da plati branioca;

UZIMAJUĆI U OBZIR da je u ovom slučaju potrebno imenovati branioca optuženog u skladu sa članom 11(B) kako bi se obezbijedilo da njegovo pravo na odbranu ne bude ugroženo dok Sekretarijat provjerava njegovu mogućnost da plati branioca;

UZIMAJUĆI U OBZIR da g. Višnjić trenutno zastupa g. Dragoljuba Ojdanića u predmetu *Tužilac protiv Milutinovića i drugih* i da je on ranije zastupao g. Radislava Krstića i g. Gojka Jankovića u postupcima pred Međunarodnim sudom;

UZIMAJUĆI U OBZIR da je Sekretarijat utvrdio da ne postoji nikakav sukob interesa između zastupanja g. Ojdanića, g. Krstića i g. Jankovića od strane g. Višnjića i njegovog ranijeg zastupanja ovog optuženog;

UZIMAJUĆI U OBZIR da je Sekretarijat utvrdio da istovremeno zastupanje g. Ojdanića i optuženog od strane g. Višnjića neće prouzrokovati štetu ni odbrani g. Ojdanića ni odbrani ovog optuženog;

UZIMAJUĆI U OBZIR da je Sekretarijat i g. Ojdaniću i optuženom pružio nezavisan pravni savjet po ovom pitanju u skladu sa članom 16(G)(i) Uputstva i da su saglasni s tim da ih g. Višnjić obojicu zastupa;

OVIM ODLUČUJE da imenuje g. Tomislava Višnjića za branioca optuženog na period od 120 dana, u skladu sa članom 11(B) Uputstva, pri čemu ova odluka stupa na snagu danom donošenja.

/potpis i pečat na originalu/
John Hocking,
zamjenik sekretara

Dana 18. jula 2008.
U Haagu,
Nizozemska